



Broj: 02-13-1237-4/20  
Zenica, 22.03.2020. godine

**GRAD ZENICA**

n/r g-din Fuad Kasumović, gradonačelnik

**PREDMET: Zahtjev za potpisivanje Sporazuma o priznavanju JU Kantonalna bolnica Zenica kao titulara vlasništva nad nekretninama, zemljištem i zgradama, bez odlaganja**

Poštovani!

Rukovodeći se odredbama člana 52. Zakona o principima lokalne samouprave FBiH ("Službene novine FBiH", broj 49/06 i 51/09), kojim se propisuje da kantonalna vlast i vlast jedinica lokalne samouprave djeluju zajednički na partnerskim odnosima u vršenju svojih nadležnosti i ostvarivanju prava i dužnosti građana, te odredaba članova 134. i 135. Statuta Grada Zenica ("Službene novine Grada Zenica", broj 5/15) kojima je utvrđeno da Grad Zenica i Zeničko-dobojski kanton međusobno saraduju radi rješavanja pitanja od zajedničkog interesa za građane, a cijeneći cjelokupnu situaciju izazvanu pandemijom koronavirusa i značaj JU Kantonalne bolnice Zenica za sve građane Zeničko-dobojskog kantona, posebno građane Grada Zenice, ovom prilikom pozivam Vas da bez odlaganja potpišete "Sporazum o priznavanju JU Kantonalna bolnica Zenica kao titulara prava vlasništva nad nekretninama, zemljištem i zgradama" koji smo Vam dostavili 18.11.2019. godine, a koji je u skladu sa zaključkom Vijeća Grada Zenica 01-49-23595/19 od 24.10.2019. godine kojim je Gradsko vijeće potvrdilo da je JU Kantonalna bolnica Zenica od interesa za Grad i građane Zenice.

Motivisan iskrenim i dobrim namjerama Vlade Zeničko-dobojskog kantona, na čelu s mnom kao premijerom, koji prevashodno štiteći i djelujući u najboljim interesima građana Zeničko-dobojskog kantona u kojem je i Vaš Grad, nastojim savjesno i pošteno stvarati uslove za bolju zdravstvenu uslugu svih građana, a prepoznajući i Vašu dobru namjeru i procjenu važnosti zajedničkog djelovanja u ovim teškim kriznim situacijama, očekujem da ćete odmah potpisati preloženi Sporazum kako bismo stvorili preduslove za razvoj i unaprjeđenje bolničkih smještajnih kapaciteta.

S obzirom da nismo sigurni koliko će trajati ova krizna situacija i da li ćemo morati urgentno pristupiti građenju dodatnog bloka intenzivne njege za smještaj pacijenata oboljelih od koronavirusa, neophodno je da odmah bez odlaganja potpišete Sporazum kako bismo mogli riješiti imovinsko-pravne odnose u duhu zajedničkog interesa i tako stvoriti pretpostavke za eventualne vanredne radove, ali i za realizaciju ranije planiranih projekata.

Podsjećamo da će se potpisivanjem Sporazuma kojeg smo Vam prosljedili omogućiti i sljedeće:

- Ulaganje od 10 miliona eura u energetska efikasnost Kantonalne bolnice, koje je preuzeo Zeničko-dobojski kanton, a kojom se, pored modernizacije i unaprjeđenja nivoa usluge ove zdravstvene ustanove, smanjuje zagađenje zraka u gradu,



- Transfer plinovoda vrijednog 0,7 miliona eura sa Zeničko-dobojskog kantona na Grad Zenica/kompaniju „Zenicagas“, koja nudi mogućnost grijanja na prirodni plin u pojedinim prigradskim naseljima koja nisu uključena u sistem gradskog grijanja,
- Grant u iznosu od 0,3 miliona eura od strane Austrijske vlade koji je već osiguran za Akcioni plan zelenih gradova u Zenici – s identificiranim potencijalnim ulaganjima pogodnim za daljnje finansiranje. Uspješna provedba projekta Kantonalne bolnice je kamen temeljac za ovaj akcioni plan i demonstracija izvodljivosti daljnjih ulaganja, te
- Moguća dodatna ulaganja od 11 miliona eura od strane Zeničko-dobojskog kantona u dodatne bolničke usluge kroz javno-privatno partnerstvo, uključujući planirana ulaganja u Interventnu kardiologiju, tehnologiju Gamma noža i Hemodijalizu.

U gradu Zenica pomenute investicije će pokrenuti i ekonomsku aktivnost koja će nam u narednom periodu biti više nego potrebna, a to će donijeti dodatni prihod u gradskom budžetu, kao i bolju perspektivu i uslove za rad 1.502 radnika Kantonalne bolnice sa prebivalištem u Zenici, što je 92 posto od ukupnog broja zaposlenih.

Ipak, najveću korist će imati građani, jer će se u Kantonalnoj bolnici pružati zdravstvene usluge na visokom nivou, kao što je primjena procedure “zlatnog sata” u Interventnoj kardiologiji, koju, u borbi sa vremenom, pacijenti iz našeg kantona trenutno dobijaju u centrima u Tuzli i Sarajevu.

S obzirom da ste u međuvremenu odgodili sastanak koji smo zakazali na ovu temu za ponedjeljak, 23.03.2020. godine, a cijeneći aktuelni trenutak koji je svakim danom sve teži, vjerujem da ćete postupiti savjesno i odgovorno, te potpisati Sporazum kako bismo mirno riješili nastali problem i stvorili pretpostavke za dalje aktivnosti.

S poštovanjem,

**Dostavljeno :**

1x naslovu

1x n/r g-đa Diana Bešić, predsjedavajuća Vijeća Grada Zenica

1x a/a

